

տէրն ամենայն ընտանեօք: Եւ աւուրքս Բ մեծ նաւ եկին¹⁾ ի Մորայ որ ասի գալիօն և Գ այլ որ ասի չայկա: Չ եղև բրինձն:

Կիրակի ԺԳ-ի²⁾ Սուրբ Խաչ: Առաւօտուս կարգացին յեկեղեցիս մեր զթուղթ Աստուածատուր վարդապետին թէ Հասաք յերուսաղէմ և ոչ գտաք զեղիազար վարդապետն աստ, այլ և պատուէր թէ Ուխտ և դաշինք մեր հաստատուն լիցի վասն Եղիազար վարդապետին թէ նա է յաջորդն իմ:

Երեկոյիս զատրդայիւ եկն ի Պողազէ անտի, որ էր առ վէզիրիւն՝ Քեօր Հասան փաշան. յղեալ վէզիրին զնա առ թագաւորն թէ Ջդա զիցես զայմախամ և զառաջինն բերցես ընդ քեզ. որով եւ թագաւորն տեսանէր զպատրաստութիւն պատերազմին փոյթ ընդ փոյթ: Եւ այլ ևս նաւ եկն Բ ի Մորայ ամենայն բարեաւ:

Եւ մեր Վարդապետի աբեղան եկն յԱստուածածին և ոչ թողին. և մեր տեսեալ զնա ուղևորեցաք ի Պրուսա գնալ առ Վարդապետն որ յերուսաղէմ:

Կիրակի (20 Սեպտ.). բարեկենդան Սուրբ Խաչի Վարագայ:

Դչի (23 Սեպտ.). ել վալիտէն որ մայր թագաւորի ասի և գնաց ի գուրս ի քաղաքէն առ բանակ թագաւորին, որ և առաւօտուս Եչի (24 Սեպտ.) թագաւորն ամենայն մեծամեծօք եւ ծառայիւք, մուհատով և զազիէսքէրովքն և փաշայիւքն բանակ արարեալ առաջի նորս երթային դասս դասս՝ իղեալ ի քաղաքէս, ի դրանէն այնմ որ ասի Անդրիանուս դուռ և գնաց ագաւ առ բանակաւն:

Շաբաթ (26 Սեպտ.). եկին ի գիւղէն ամենեքեան:

Կիրակի (27 Սեպտ.). Վարագայ սուրբ Խաչ: Օրս

1) եկն.

2) ԺԳ-ի.